

影印

文淵閣四庫全書

第一一六三冊

北京出版集團公司
北京出版社

本冊目次

劍南詩藁(二)	渭南文集	放翁逸稿	放翁詩選	前集	後集	別集
---------	------	------	------	----	----	----

宋陸游撰	宋陸游撰	宋陸游撰	宋陸游撰	宋羅椅撰	宋劉辰翁撰
陸子虞編	陸游撰	毛晉輯	陸游撰	羅椅撰	劉辰翁撰
……	……	……	……	……	……
一	三〇七	三〇七	三〇七	七二七	七二七

欽定四庫全書

集部
劔南詩稿卷六十一

詳校官庶吉士 臣陳若霖

主事 臣呂雲棟覆勘

總校官檢討 臣何思鈞

校對官修撰 臣戴衡亨

謄錄監生 臣楊浚明

欽定四庫全書

劔南詩稿卷六十

宋 陸游 撰

述感

斷簡承孤學窮閭負壯心方憂一齒落時一齒方搖動何止二

吟 毛侵買地開幽圃招僧理廢琴浮生祇如此感慨不須

吟

甲子歲十月二十四日夜半夢遇故人於山水間

欽定四庫全書

飲酒賦詩既覺僅能記一二乃追補之

拂衣金馬門稅駕石帆村喚起華山夢招回湘水魂心

親頻握手目擊欲忘言最喜滕陰下翛然共一樽

又

小山緣曲澗路斷得藤陰忽過平生友重論一片心興

闌棋局散意豁酒杯深雞唱俄驚覺悽然淚滿襟

舟中夜賦

千里風塵季子裘五湖煙浪志和舟燈殘復吐惱孤夢

雨落還收生旅愁城上霜笳入霄漢煙中漁火耿汀洲
牧之未極詩人趣但謂能輕萬戶侯

舟中曉賦

木落霜清水鳥呼扁舟夜泊古城隅吹殘畫角鐘初動
低盡寒空斗欲無浪迹已同鷗境界遠遊方羨雁程途
高檣健席從今始遍歷三湘與五湖

漁家

江上漁家水蘸扉閒雲片片傍苔磯釣收鷺下虛舟立

欽定四庫全書

初南詩集
卷六十

橋斷僧尋別徑歸海近岡巒多迤邐天寒霧雨正霏微
羊裘老作桐江叟點檢初心幸未違

遠遊

少年遊宦日骭臄恥沉浮見虎猶攘臂逢狐肯叩頭力
行雖自許早退豈人謀

子年六十餘
即退閒故山

小艇煙波上飄然

得遠遊

與兒孫小飲

歲暮寒多雨村深早閉門荒園摘葵芥近市買雞豚短

褐聯三世幽窗共一樽吾曹常得此餘事不須論

遂初

狂本類三閭歸仍慕二疏何由滿人笑但可遂吾初奕
奕沙堤馬栖栖下澤車細看俱外物俛首老犁鋤

與村鄰聚飲

冬日鄉閭集珍烹得偏嘗蟹供牢九美

聞人懋德言麴
賦中所謂牢九

今包魚煮膾殘香雞跖宜菰白豚肩雜韭黃一歡君勿
惜豐歉歲何常

欽定四庫全書

初南詩集
卷六十

又

交好貧尤篤鄉情老更親薰香紅糝熟酌美綠椒新俗
似山川古人如酒醴醇一杯相屬罷吾亦愛吾鄰

夜坐示子虞

裘薄知霜重燈殘覺夜闌為農宜廢學謝事等無官疎
嬾貧難醒沉綿死有端大兒千里至聊復為加餐

行飯暮歸

整置觀書不耐閒飄然梅塢竹籬間霜風盡脫千林葉

雲氣平沉一面山笑喚筇枝扶蹇步聊憑村酒借朱顏
廟堦牆下歸來晚宿鳥紛紛已漸還

寒雨中夜坐

江村風雨晚冥冥閉戶添衣愴客情爐爇松肪如蠟爇
鼎煎茶浪起灘聲團欒賴有兒同話刺啄應無客可迎
聊舉一杯生耳熱頽然酣枕到窗明

枕上

世間命薄有誰如僵臥空山夢亦孤三尺窗前燈半死

欽定四庫全書

動南詩卷
卷六十一

萬重雲外雁相呼久貧僅守殘書笈未死猶須幾酒壺

趣辦一棺那得緩古人四十揣頭顱

即事

心與巖泉靜形如野鶴臞朝餐美藜藿夜學講唐虞婢
老無釵澤僮寒闕袴襦所欣惟一事無吏督殘租

又

糴飯流匙滑葵羹出醕香有時留野客亦復餉鄰牆老
圃傳占法行僧遺藥方未為全絕物終勝利名場

雜感

買馬當可乘築室當可居快馬多覆敗傑屋鬼所狙徒
行與露坐安穩無後虞所以古達人秋風憶蓴鱸

又

士生誦二典恍若生唐虞陞降奉玉帛可否聞吁咷闕
里得其傳功與造化俱孰知千載後乃尊重譯書

又

擁裘南窗下堅坐試定力爐香亦不散伴我到臘黑絕

欽定四庫全書

動南詩卷
卷六十一

交近為我遊世易顛路默默何所為且復自休息

又

上峽聞竹枝入秦聞烏鳥奏曲未及終涕淚淒已濡還
山風月夕菱歌起鏡湖雖無遠遊感白首亦窮途

又

吾聞之古方有病當鮮食如其不能爾金丹亦無益我
老更事多此語知造極子房從赤松千載推達識

又

夢育小兒女便有無窮愛
謁醫問疾恙對客誇警過晨
雞忽喚覺此愛復安在人生困糾纏一笑脫囚城

閒中自嘲

鏡湖西畔有漁扉
竊比玄英似庶幾
風月定交殊耐久
煙波得意可忘歸
曾行萬里求微祿
亦伴諸公踐駭機
試問即今成底事
晨飧依舊北山薇

暇日坐山麓松石間作

偶曳枯筇出槿籬
松間盤石坐移時
饑鷹齧草無餘綠

欽定四庫全書

卷六十

六

乳鵲營巢有墮枝
幽事類分皆可譜
高情辭達自成詩
莫嗟寂寂終吾世
正是他年一段奇

得子虞臨安舟中書因寄

江水悠悠雙鯉魚
眼明初折入關書
殘年已覺身如客
一念還成淚濺裙
春近預憂歸夢短
潮回莫遣寄聲疎
何時可棄微官縛
五畝荒畦共荷鋤

書喜

寵辱元知不足驚
退居兀兀餞餘生
冰魚可釣羹材足

霜稻方登糴價平
鄰媼已安諸子養
閩氏媼以貧甚棄諸子而去今始得歸園丁初葺數椽成以種蔬為業
鄉閭喜事吾曹共

一醉寧辭洗破觥

又

十月東吳草未枯
村村耕牧可成圖
歲收儉薄雖中熟
民得蠲除已小蘇
家熟競延師教子
里門罕見吏徵租
老昏不記唐年事
試問元和有此無

老學菴夜興

欽定四庫全書

卷六十

七

冷臥空齋枕曲肱
饑鷹驚起髮鬢髯
煙霞華嶽逃名客
風雪廬山入定僧
櫺葉蔽身勝赤帛
金丹照室不燃燈
禿翁自笑無名字
聊向江湖襲舊稱
取江湖散人之意

感昔

百丈庚寅上峽時
至今猶健宣前期
家人暗換吾何歎
鏡裏衰翁復是誰
上破骨肉在者四子兩今皆出仕

又

神女祠前猿夜鳴
相公溪上草初生
重遊惟有西窗夢

一點燈青夢不成

又

白帝城邊鶯亂啼
憶騎瘦馬踏春泥
老來感舊多悽愴
孤夢時時到瀼西

又

小益晨裝雨作泥
南沮涉水馬長嘶
山腰細棧移新路
驛壁流塵閣舊題

又

欽定四庫全書

初南詩集
卷六十一

曾從征西十萬師
白頭回顧只成悲
雲深路谷傳烽處
雪密嵒山校獵時

又

老君洞外小朱扉
雲壓寒空雪欲飛
結陣弓刀邊壘去
挂鞍狐兔獵場歸

又

少時失腳利名間
寸步何曾不險艱
造物恐人渾忘却

夢中憂患尚如山

孤村

少年誤計落人間
晚臥孤村日掩關
小室易溫爐火省
幽窗常暗架書閒
梅橫籬落春初動
雲闌川原雪尚慳
欲喚一藤同勝踐
恨無傑句壓溪山

村舍書事

紙窗百衲地爐紅
圍坐牛醫卜肆翁
時節杯盤來往熟
朝脯鹽酪有無通
男丁共結春耕耦
婦女相呼夜績同
老子頽然最無事
客歸自策讀書功

欽定四庫全書

初南詩集
卷六十一

小葺居舍

野水楓林下
殘年亦自存
刈茅支漏屋
挿棘補頽垣
把釣襟靈爽
爭棋笑語喧
晚窗幽興極
共酌黍醅渾

冬至

老遇陽生海上村
川雲漠漠雨昏昏
鄰家祭徹初分胙
賀客泥深不到門
萬卷縱橫忘歲月
百年行止付乾坤
明朝晴霽猶堪出
南陌東阡共一樽

夜坐示子通兼示元敏

微霰不成雪大風俄散雲孤燈翳還吐斷雁遠猶聞冉
冉新春動遙遙清夜分兒孫未須睡吾與汝論文

客懷

客懷病思兩悽悽瘦馬長韉濺雪泥道左忽逢會宿驛
壁間間看舊留題村醅酸薄陳山果旅飯蕭條嚼凍齋
何處人間非夢境恍然重到劔關西

雜書幽居事

抱瓮窮園吏還山老布衣死邊常得活關處偶容歸釣

欽定四庫全書

初南詩集
卷六十一

十

恐魚吞餌棋憂客墮機此心君會否洗盡百年非

又

淡薄齊榮辱恢疎略怨恩爐常養丹母手自斲桐孫炎
火下照海黃河高汴源道翁來不速一笑倒吾樽

又

庭曠多延月齋空半貯雲松聲行路共泉脉近鄰分采
藥九蒸曬朝真三沐熏林間有叢杞繞屋夜狺狺

又

貧困雖終老胃中尚浩然直令頭搶地未害鼻撩天種
菜慳三畝苦茅僅數椽布衾常不暖夜夜亦安眠

又

卜築南湖上梅花幾度春身緣作詩瘦家為買山貧野
步維漁舫江樓岸醉巾誰知會稽叟不媿葛天民

題齋壁

門前枯葉滿荒街堂下殘蕪擁土階蓬蓽蕭條如旅店
豆蔬淡薄學僧齋書存真火溫枵腹夜挽黃流灌病骸

欽定四庫全書

初南詩集
卷六十一

十一

喚取鄰翁同結社他年仙去與君偕

探梅

歲月相尋豈有窮早梅喚醒醉眠翁坐中酒量人人別
花底春風處處同白帝城邊微雪過青衣江上夕陽紅
錦囊空復殘詩在分付悲歡一夢中

新移竹栽喜於得雨而池中鷓鴣乃以水溢而去
戲以長句記之

霧雨三日天沉陰西溪水長二尺深土濡新竹有生意

池滿文禽無住心竹根蘇活賴此雨禽亦歸飛戲煙浦
去留雖異各欣然抽萌哺子全其天

讀宛陵先生詩

李杜不復作梅公真壯哉豈惟凡骨換要是頂門開鍛
鍊無遺力淵源有自來平生解牛手餘力獨恢恢

勉學

學力艱危見精誠夢寐知衆人雖莫察吾道豈容欺雷
雨含元氣著龜決大疑為儒能體此端不負先師

欽定四庫全書

知南詩集
卷六十一

十三

道室試筆

浮雲萬事不到眼千歲人間心尚孩屏風疊下看花落
扇子峽中聞雪來

又

兜羅繖雲常滿谷勃落葉衣無四時中原百戰血塗野
此老醉眠初不知

又

事來得失若山重放下始知前日狂一枝藜杖一壺酒

何處人間無醉鄉

又

吾家學道今四世世佩施真三住銘一窗蘿月照孤詠
萬壑松風吹半醒

又

死來尚戀遊金谷病廢猶難放柳枝等是胸中不浩浩
樂天莫笑李倫癡

又

欽定四庫全書

知南詩集
卷六十一

十三

明明行路有神仙世上求仙却不然貪冒苦多廉讓少
恐君未得盡天年

治心

治心無他法要使百念空秋毫作其間有若海颶風颶
風孰能止三日力自窮我徐躡其後果果日出東向來
一噫者畢竟誰為雄萬里靜海氛一望開天容會從安
期生高會蓬萊宮

夜夢遇老人於松石間若舊嘗從其遊者再拜叙

間閭老人亦酬接甚至云

遼海曾從化鶴丁百年塵土汚巾瓶萬山深處遇行李
再拜起時如醉醒綠樹巖前開樂筵白驢背上指丹經
雲霄平步尋常事不用求方更解形

過鄰家

病去詩情動寒深酒戒開兒孫扶每出鄰里喚還來雲
重時飛雪春遲未見梅山園多芋栗夜話且燂煨

村飲

舊隱青山在衰顏白髮新推移忝前輩疎嬾似高人擊
鼓驅殤鬼吹簫樂社神家家皆有酒莫吐相君茵

市飲

學道無多事消陰服衆魔春雷驚蟄戶海日浴鯨波大
勇收全勝靈襟襲太和何妨會稽市取酒獨酣歌

社飲

東作初占嗣歲宜蠶官又近乞靈時傾家釀酒無遺力
倒社迎神盡及期先醉後醒驚老憊路長足蹇歎歸遲

西村漸過新塘近宿鳥歸飛已滿枝

舟中作

一葉輕舟一破裘飄然江海送悠悠閒知睡味甜如蜜
老覺羈懷淡似秋失侶雲間孤雁下耐寒波面兩鳬浮
年逾八十真當去似為雲山尚小留

風雲晝晦夜遂大雪

大風從北來洶洶十萬軍草木盡偃仆道路瞋不分山
澤氣上騰天受之為雲山雲如馬牛水雲如魚鼈朝閣
翳白日暮重壓厚坤高城岌欲動我屋何足掀兒怖牀
下伏婢恐堅閉門老翁兩耳聾無地著戚欣夜艾不知
雪但覺手足皸布衾冷似鐵燒糠作微溫豈不思一飲
流塵暗空樽已矣可奈何凍死向孤村

大雪

海天黯黯萬重雲欲到前村路不分烈風吹雪深一丈
大布縫衫重七斤

雪夜

病卧湖邊五畝園雪風一夜圻蘆藩燎爐新炭衣篝暖
圍坐兒孫笑語溫菜乞鄰家作菹美酒賒近市帶醅渾
平居自是無來客明日衝泥誰叩門

雪霽

米盡囊空莫問渠天公自解養迂疎雪泥壅路斷來客
朝日滿窗宜讀書漸暖橫林聞語鳥乍晴幽圃富嘉蔬
東家小蹇那須借早晚吾兒送鹿車

子坦欲作一
小轎子來

雪後

欽定四庫全書

蘇東坡集
卷六

十六

雨解平簷雪風收際海雲根蘇萱出土冰斷水生紋遊
舫家家葦行歌巷巷聞太平元有象端為謝東君

夜寒與客燒乾柴取暖戲作

槁竹乾薪隔歲求正虞雪夜客相投如傾潏潏蒲萄酒
似擁重重貂鼠裘一睡策勲殊可喜千金論價恐難酬
他時鐵馬榆關外憶此猶當笑不休

排悶

殘雪融成雨寒燈結作花睡稀聽鶯鼠坐久送棲鴉食

似閑僧鉢居如寓店家餘年不須問即此是生涯

席上有舉呂居仁詩者因次其韻示坐客

是身如鼠穴太倉七十始辦求深藏扶衰復拜求舊詔
入對講殿瞻顒昂期年蒙恩許謝病家居更辱鄉黨敬
今夕不醉無庸歸此老餘年君所知

予使江西時以詩投政府丐湖湘一麾會召還不
果偶讀舊藁有感

文字塵埃我自知向來諸老誤相期揮毫當得江山助
不到瀟湘豈有詩

欽定四庫全書

蘇東坡集
卷六

十七

柳橋

村路初晴雪作泥經旬不到小橋西出門頓覺春來早
柳染輕黃已蘸溪

鷗

海上輕鷗何處尋煙波萬里信浮沉今朝忽向船頭見
消盡平生得喪心

鷺

雪霽春回亦樂哉
棋軒正對小灘開
翩翩飛鷺真吾友
肯為幽人一再來

感物

日落烏將數子歸
風和雉挾兩雌飛
不如村舍安孤寂
父子飄然兩褐衣

予齋居已久又諸子皆出仕
獨與子通相對如世外人

甲子歲暮

世間巧拙亦何施
萬事難禁歲月移
遲死幾時天有意
要令自悟不須師

欽定四庫全書

初南游集
卷六十

十九

出遊至僧舍及逆旅戲贈絕句

山僧邂逅即情親
野叟留連語更真
淡淡論交端有味
一彈指頃百年身

又

飯炊適熟如延客
犬喜來迎似到家
雨滴茅簷草煙溼
不妨笑語暫諠譁

歲暮出遊

殘厯消磨無半紙
一年光景又成非
瓦溝雪水滴欲盡

江路梅花開尚稀
竹院篝燈留度宿
旗亭誇酒勸無歸
此身自笑知何似
萬里遼天一鶴飛

出遊所至皆欣然相迎口占示之

寓館兼山澤行裝
半雨晴隨宜分藥
物投老惜人情邈
近成新識慇懃講
舊盟農家尤可念
迎勞輟春耕

題旅舍壁

老子殘年未易量
出門隨處得仿佯
窗櫺日淡僧房暖
竈突煙青旅甌香
濁酒可求敲野店
舊題猶在拂頰牆

欽定四庫全書

初南游集
卷六十

十九

閒來又取丹經讀
夜就松明解布囊

野人舍小飲

梅市波光遠柯橋
柳色新百年情分
熟數酌笑言親沙
上人爭渡街頭婦
賣新粳粳隔林鼓
歲暮賽江神

自近村歸

雪晴村路尚殘泥
茅屋清寒正要低
野渡船虛飛鳥集
煙村路近蹇驢嘶
堅頑那復愁空索
老健猶能伴架犁
蹴榻不僵君會否
更須百瓮享黃齋

夢華山

古松偃蹇谷谿研太華峰前野老家久客未歸丹竈冷
碧桃八十一番花

歲暮與鄰曲飲酒用前輩獨酌韻

出會稽南門九里有聚落雖非衣冠區農圃可共酌野
實雜甘酸草具無厚薄小童能擊筑一笑相與樂徒手
出叢花空中取九藥主禮雖可笑衆客亦起酢聊持綴
宿好未用嘲淡泊窮達則不同亦踐真率約予年過八

欽定四庫全書

知南詩集
卷六十

二十

十故物但城郭

避御名
從省文

作詩記清歡未媿華表鶴

山中飲酒

百屋堆金錢萬戶封公侯富貴人所羨熟計終繆悠有酒
君但飲有山君但遊雖云亦夢事要是勝一籌獨醉新
豐市遺魂招馬周清獻蘇門山曠度交公休爛爛目如
電凜凜氣愈遒騎鯨歸東海已矣吾何求

客亭

荻浦煙汀竝海涯一枝柔艣語咿啞久從野老非生客

慣寓僧廬勝在家樂與村村俱有酒逢春處處可尋花
朝來雪霽梅初動又向郵亭閱歲華

除夜

野水楓林屋數椽寒爐無火坐無氈殘燈耿耿愁孤影
小雪霏霏送舊年椒酒辟瘟傾潏澧藍袍停鬼舞跼蹐
從今供養惟春薺莫羨愚公日萬錢

欽定四庫全書

知南詩集
卷六十

二十一

知南詩彙卷六十

欽定四庫全書

劍南詩彙卷六十一

宋 陸游 撰

乙丑元日

好在屠蘇酒扶衰把一卮家貧為壽略歷閨換年遲薦

廟須扶拜題門強綴詩惟思買春困熟睡過花時俗有賣春

困者予老憊思睡故欲買之

元日讀易

欽定四庫全書

劍南詩彙卷六十一

伏羲三十餘萬歲傳者太山一毫芒春秋雖自魯麟絕

禮樂蓋先秦火亡孟軻財能道封建孔子已不言鴻荒

於虜易學幸未泯安得名山處處藏

自開歲陰雨連日未止

江雲漠漠雨昏昏歸老山陰學灌園十里羊腸僅通路

三家鐺脚自成村應時餽飫聊從俗耐久鍾馗儼在門

近縣傳聞頗多盜呼兒挿棘補頽垣俗有年餽飫之語予貧甚今歲遂不

能易
鍾馗

枯菊

翠羽金錢夢已闌空餘殘藥抱枝乾紛紛輕薄隨流水

黃與姚花一樣看

又

積雪嚴霜轉眼空春回無處不春風欲知造物無窮妙

但看萱根與菊叢

村舍雜興

冉冉年華速昏昏睡思濃廢書心自愧謝病客能容雨

欽定四庫全書

劍南詩彙卷六十一

急鐘微度溪湍確自春可憐燈下影隨處伴衰慵

又

堅卧非由病端居不是齋世情元自薄人事固多乖晨

飯炊稊米宵行點豆蕪昔人言可用第一忌安排

徐仲車有

請問于安定先生先生曰莫安排

又

白首返吾鄉功名罷激昂掃除魔眷屬砭熨病膏肓老

圃勤供菜蠻童解炷香黃昏那用問且喜日舒長

又

粥罷重投枕

晨起粥後
再睡最佳

燈殘起讀書閉門常自得作計

更誰如箭茁白於玉樓花長比魚盤殮有此味勿怪食
無餘

又

遊宦風波惡還家日月長厭煩思病忘避俗欲陽狂絕
意功名會收身翰墨場著書吾豈敢尚可述農桑

夜興

欽定四庫全書

劄南詩集
卷六十一

三

窮巷行人絕高城漏鼓稀劇談頻剪燭久坐旋更衣飢
鼠衝人過啼鴉冒夜飛客歸吾未睡孤影自相依

示鄰曲

北陌東阡好弟兄耄年幸復主齊盟同嘗春韭秋菘味
共聽朝猿夜鶴聲百世不忘耕稼業一壺時叙里閭情
諸孫識字吾真足安用鵬搏九萬程

夢中作

華山敷水本閑人一念無端墮世塵八十餘年多少事

藥爐丹竈尚如新

春雨

倚闌正爾受斜陽細雨霏霏渡野塘本為柳枝留淺色
却教梅蘂洗幽香小霑蝶粉初何惜暫澀鶯聲亦未妨
造物無心寧徧物憑誰閑與問東皇

草堂

幸有湖邊舊草堂敢煩地主築林塘

辛幼安每欲為築
舍予辭之遂止

漉殘醅瓮葛巾濕挿遍野梅紗帽香風緊春寒那可敵

欽定四庫全書

劄南詩集
卷六十一

四

身閑晝漏不勝長浩歌陌上君無怪世譜推原自楚狂

陸氏世譜云
本出接輿後

道室

暮遇風山第六丈脩然盡謝俗間交謀生舊買雲三頃
託宿新分鶴半巢露下丹芽生藥壠月明金粉落松梢
眉間喜動君知否借得丹經手自抄

旅次有贈

黃鶴樓前逢劍客青衣江口見詩人天涯莫起漂零感

物外終為自在身，賣馬求船雖少日。阻風中酒動兼旬，中原早晚胡塵靜。維月嵩雲要卜鄰。

雜感五首以不愛入州府為韻

莘渭二老人，耕釣俱白首。功烈在人間，如天有北斗。方其未遇時，自處固不苟。夫豈邀虛名，欲眩千載後。降及秦漢王，望古猶培塿。猶能守所聞，外物不得誘。君看魯二生，亦豈聖人偶。凜然諸儒間，人可我獨不。

又

欽定四庫全書

初南詩集
卷六十一

五

山棲天與癖，酒復甚所愛。雖云慙黃綺，亦慕嵇阮輩。失脚落人間，二事略皆廢。晚歸卧雲壑，謂此在券內。如何疾屢作，大與初意背。好山雖在眼，動步輒有礙。酒戒復堅持，如隄憂蟻潰。何以遣餘年，閉戶淡煮菜。

又

鸞鳩搶榆枋，枯魚過河泣。鵬鯨九萬里，此豈汝所及。丈夫志古人，絕世而獨立。遠遊馬蹄穿，高卧劍鋒澀。其初所抱負，固自高業岌。安能與兒曹俯首就，維繫君看折。

腰趨孰若舉手揖，芝老尚可餐。修門戒輕入。

又

洛水初平時，草木充九州。禽獸孳育繁，與人為敵讎。于時聖人作，日夜為民憂。思有以勝之，食肉而服裘。然後人莫居，未泰歲有秋。豈知千載後，戕殺無時休。一食刀机，亦百味供膳，蓋豪侈方相，誇哀哉，非始謀。

又

欽定四庫全書

初南詩集
卷六十一

六

我年甫三十，出身事明主。狂愚斥不用，晚辟征西府。蹭蹬過錦城，邂逅客嚴武。十年醉郾陽，狂頗自許。青城訪隱翁，西市買幽圃。如何復不遂，歸聽鏡湖雨。結廬三間茅，泛宅一枝舫。天真儻可全，吾其老煙浦。

自詠絕句

雙鬢蕭條失故青，躬耕猶得養餘齡。明時恩大無由報，欲為鄉鄰講孝經。

又

深村人有結繩風，晚歲身為帶索翁。啜粥茹蔬茅屋底，

誰知也過百年中

又

不論鬼錄不登仙遊戲杯觴近百年
小市跨驢寒日裏任教人作畫圖傳

又

逆旅門前撥不開先生醉策蹇驢來
未言乞得囊中藥一見童顏且壓災

又

欽定四庫全書

劔南詩集
卷六十一

七

遠遊索手不賞糧薪米臨時取道傍
今日晴明行亦好經旬風雨住何妨

又

一條紙被平生足半盃藜藿百味全
放下元來總無事雞鳴犬吠送殘年

又

平生寧獨愛吾廬何處茅簷不可居
晝闕僮奴停接客夜無膏火罷觀書

又

睡著何曾厭夜長老人少睡坐何傷
無燈無火春寒惡破絮羸羸即道場

風月吟

去日如馳衰有驗萬事惟當就收斂
可憐未與酒相忘風月婆娑猶不厭
有時清夜行中庭幅巾藜杖影玲峴
松風十里吹殘夢羅月三更照半醒
河傾難唱吟未已爽透髮根清入齒
晨光底事不貸人轆轤汲水啼鴉起

欽定四庫全書

劔南詩集
卷六十一

八

年光

無賴年光逐水流人間隨處送悠悠
千帆落浦湘天晚孤笛吟風郭縣秋
小市鶯花時痛飲故宮禾黍亦閑愁
久留只恐驚凡目又向西涼上酒樓

龜堂

莫笑龜堂陋生涯實有餘春寒擁重褐
晨飯富藏蔬薄技雕蟲爾虛名畫餅如
兒時論語在敢負此心初

春晴